

文苑

東方雜誌 第十四卷 第五號 文苑

一百三十六

張文襄公奏稿敘例

許同莘

公敷歷中外垂四十年。前席陳言。封章論事。樞機慎密。不盡得聞。而遺稿滿籬。猶數百卷。初次編錄。卷帙頗繁。一再省約。寫定爲八十卷。凡遺篋所無者。就史館月摺。總署檔案。邸鈔官報。校錄補輯。鴻篇鉅製。大體略備。其數銜會奏。而確知非公主稿者。雖結銜在前。仍不列入。意在徵實。匪有町畦。（坊刻張宮保政書。卽據邸鈔編次。內有數篇非公主稿。茲不載。）

道咸以前。名公奏議。大率爲集無多。匪獨承平日久。政簡書稀。亦由本章定制。題多奏少。自咸同軍興。海疆多故。勢趨繁劇。例尙變通。一切選舉刑名錢糧兵馬。改題爲奏。往往而有。後人編輯。不得不刪繁存要。茲編所錄。類關朝章國故。吏治民生。其雖係例摺。而具有深意。或

前後脈絡貫通。非互見則本末不具者。仍以次編入。蓋無取繁冗者。實義例之當然。不敢遺漏者。悉精神之所。在劉舍人論章表之言。曰要而非略。又曰繁約得正。準的所歸。若斯而已。

善善從長。惡惡從短。纂言記事。於理宜然。公寬厚待人。歷任封圻。從不輕於參劾。茲編於薦舉諸奏。蒐輯無遺。忠義采訪。節孝請旌。義在表章。咸所不廢。其有黜貪去佞。除蠹懲姦。事關理亂。固不能以隱惡而不錄。至於循例甄別。因事糾彈。苟異激揚。務歸掩蓋。若其効治在前。而開復在後。則兩奏並存。以昭公義。庶幾青雲之附名。聲益彰。白圭之玷濯磨。有自亦公之志也。

謝恩諸摺。或謂入文集爲宜。然駢散之體。雖殊。對揚之義。則一。且到任交卸。分任編次。則起訖分明。前人如李忠定。梁谿全集。近如曾文正。彭剛直集。例皆如是。蓋感

激之忱。隨處流露。此中自見性情。原不必較論文章流別。茲以謝摺分入各卷。若月日相同。則先陳謝而後論奏。以符程式。

近人奏稿。輒錄硃批。俞曲園謂非古法。然手詔批答。正見一德感孚。宋刻張曲江集表狀諸篇。幾於全附御批。權載之文集。李衛公一品集。皆手自纂定。而集中進詩讓官諸表狀。附錄敕批。不以爲慢。宋人奏議。如東坡攻媿諸集。此類迭見。（東坡奏議卷十五全集卷三十七攻媿集卷二十六卷三十四）今依此例。錄硃批於摺片之後。廷寄邸鈔一體載入。惟景廟未親政以前。臣工章奏。均由軍機傳旨。別無批答。又軍機承旨。由電知照者。亦稱電旨。茲概書奉旨。以昭畫一。若硃筆業已繳進。又未錄副。則從闕如。審慎是求。非敢疏漏。

33595
厚之道。如此。康熙間彭志植刻二彭（彭文憲時純彭亭林日知錄。歷舉後人刻書爲前代諱。謂自古相傳忠文思華彥）文集。楊包刻楊忠烈（漣）集。奏疏款式悉

遵明制。近歲湘鄉曾氏刻船山遺書。避諱缺筆。均依原本。先民矩矱。允宜法式。茲編擡頭缺筆。概仍原稿。惟向例本可不擡。如題字奏字之類。則聯綴而下。以省篇幅。又擡頭應出格者。概用平擡。則近人刻集通例也。

公學本經術。形聲訓詁。辨別謹嚴。集中破體俗字。悉加校正。至爰書人名。向有改諧聲加偏旁之習。（如福作幅。文作汶之類）當日義取從同。未便立異。然秋曹相沿。本非典制。魏默深撰聖武記。引乾隆四十年諭旨。以法司用惡劣字爲戒。匪冉天元王國賢皆書本名。（原注不書作添惱）今仿其例。改書本字。又地名宜從官書。如蘆溝橋。一統志作盧溝橋。故蘆漢鐵路亦稱盧漢。又近人譯書。輒造新字。公固持孳乳之義。而早年頗以杜撰爲嫌。如榜作榜。噸作頓之類。往往前後不同。茲仍其真。不敢率改。此類甚繁。姑舉一二。惟原稿展轉鈔寫。仍慮校讐難審。是爲憾耳。

部院章奏。類由曹司屬稿。故近人刻集。什不存一。公值

33596

樞廷管學部郎曹起草。往往點竄塗改。至再至三。自不得以畫諾為例。前賢如陸宣公翰苑集。范文正政府奏議。皆千古盛稱。未容偏廢。茲質之瑞臣侍郎（寶熙）及傅君芷薌（嶽棻）凡學部奏疏。經公斟酌改定者。擇要編入。又議禮諸奏。從會昌一品集例。錄公所折衷者一篇。以志謨猷。且光簡策。

諸葛遺表。傳誦古今。宋賢若司馬溫公。范文正。范忠宣。宗忠簡。張南軒。臨終遺表。具載本集。公彌留之際。神志湛然。口授遺疏。猶及寓目。不樹黨援。不殖生產。二語論者。比於成都。自表殆非溢美。茲殿篇終。用留浩氣。至具草未上。似與進奏有間。然如東坡之徐州。上皇帝書。簡豐之召判太常。上殿劄子。置之全集。自見忠愛之忱。公臨終心事。尤憊倦於鐵路。今并以手定諸稿附後。謀國苦衷。當可質天下後世也已。

是編錄竟。始以督江督楚諸卷。就正於汪荃臺先生。繼又以全編送師傅陳公鑒閱。訂正不少。至歷任原稿。當

時幕府諸賢。留心輯錄。彙繕成冊。此次得以著手排比。先河之功。自不可沒。他日書成鏤版。當必與校勘諸君。並傳不朽。附記於此。以俟將來。

詩

做玉谿體

沈曾植

青鳥傳言。乍有無。朝元一氣會清都。由來北燭。仙人杖。可要東陵。聖母符。密意袖中呈。玉玦神方。墨外灑金壺。還丹八轉。華如雪。傳遣丁神。啓藥爐。

做衣雲閣體（約真長同作）

同前

掠賸為神使。尋香入鬼塗。我春來。夙昔世語。一嗚呼。厚地理應劇。悲歌送老。須祇應成兀。坐相對。兩無姑。

題胡悖仲唐人所寫金光明勝經卷子（卷為潘

若海贈且有題句）

同前

北風振戶。霜在瓦。東方一士。今何之。圖好寧。無鄭監。作詩成。更待成。連知。為轉光明梵。唄書。晴窗淚滴。玉蟾蜍。人間豈有藏鋒地。

劍氣成虹入太虛。(若海詩有藏刀原甚善句)

題胡愔仲金光明勝經卷子

王潛

淵明宅南村。綢繆素心人。伯牙絕鳴絃。悼彼知音論。天道與積善。善人常苦辛。仁者不必壽。壽者乃達仁。昔時樽中酒。今日陌上塵。豺狼塞四邑。冥冥鳳與麟。秋風敗叢蘭。驕莠偕時新。莊周見道者。伯夷與跖倫。櫟社木不材。卒逃匠石斤。人天自在力。妙諦繹世尊。欲利諸有情。常轉正法輪。

題胡愔仲金光明勝經卷子用若海均

朱祖謀

妙伽佗諦絕傳衣。花雨香中舊毳扉。一逝翩如黃鷄子。刺天海水又羣飛。江左一流今日盡。詩篇連巷共誰論。不如自撥鑪煙坐。饒舌豐干已不言。

倪鴻寶黃石齋瞿稼軒三公墨蹟爲宗子戴題

楊宗羲

文謙衣雲此主賓。東臯歌後事酸辛。兩都忠義誰能及。一旅西南氣益振。異代傷春如曉暮。古人識字有君臣。願依心遠樓頭住。躡躩摩挲不厭頻。

高幼農屬題宋芝洞畫冊

同前

袍禪雄風去不還。終南太華尙孱顏。如何俊及當時客。學作江南平遠山。寶華庵前草不春。見山亭外柳爲薪。十年何事無今古。重對評碑讀畫人。

爲吳蔚若前輩題其祖棣華廉使壬戌雅集圖

(重摹本)

同前

幹運機庭意未舒。海東石是補天餘。崢嶸家世新昌第。模繪承平履道居。天順士徵三館盛。李西涯有天順甲申同年圖卷。齊賢帝爲百年儲。南宮他日看圖畫。猶憶長沙有薦書。(陶齋薦公使才嘗爲草奏)

游元墓聖恩寺

陳曾壽

青山爲屏爲輔佐。參天柏湧金剛座。從來寺好在山門。

33598

夷叔片言真道破和尚坐具闔幾許一藏經數驚誰作
(寺房五千四十八間合一藏經之數)太湖接几光動
天帆影茶槍浮一箇明眼未逢香雪奇目極長空憂始
大紗籠舊題翁陸洪小人九四壁還澆佼者滔天庸者
全未死論定安足睡僧導佛堂看履跡彼何人斯嚴自
課衆驚入石跌印深豈知念念薄冰過吾人來游暫一
飯流轉千生蟻旋磨出門還參柏子禪身倦津梁斜欲
臥

登天平山同病老作

同前

老楓。腫。春。不。葉。山。門。萬。古。寒。鴉。色。石。巉。徑。微。出。奧。幽。
下。俯。風。軒。見。鷹。脊。插。天。積。鐵。磊。崑。高。迎。面。殊。形。動。魂。魄。
白。公。賦。泉。不。賦。石。應。知。對。此。愁。筆。力。病。翁。登。臨。愛。絕。頂。
選。杖。直。上。窮。行。迹。局。躋。何。必。非。人。間。縱。目。高。空。竟。何。益。
我。難。問。天。伸。不。平。更。付。撐。胸。千。石。壁。

六和塔

俞明震

鈴語層層風雨寒支笻人老怯憑欄之江到此霸圖盡

病雁橫空來日難肯與西湖作屏幃可容東海鎮狂瀾
潮痕不沒雲棲路佛火牆燈夜夜看

大雪後復偕蒼虬入靈隱寺同賦 同前

靈山一夜雪萬象立於定入門玉交柯負重松逾靜凍
溜不掛簷萬瓦行明鏡石佛垂白眉披烟露寒脛濕澆
洞牖開幽極得鳥散掩關千層雲破寂一聲磬直接惟
鴻濛俯瞰窮究竟見淨不見土所見非佛性拄杖我歸
來無土亦無淨(蒼虬詩有我來真空回見淨不見土
之句)

田居春感

曾習經

漸緩愁年入渺漫村居二月正嚴寒未應開口逢人喝
且試將心與汝安遲日野陰殘照在新湖春漲斷冰寬
荷鋤已是餘生事報答東風只肺肝

題寶瑞臣侍郎上元夜飲圖

同前

鳧雁張燈酒復清東華臨夜馬蹏聲固應圓月無離恨
除卻春風似舊情

九微燈火元宵節。廿載承平帝里游。我是王孫舊賓客。眼看樂事此生休。

二月九日靈峯寺看梅遂過煙霞洞則梅已半落

矣是日同游為映庵旭初

諸宗元

我昔知西湖。以梅甲天下。故者摧為薪。新者僅盈把。荒區能久留。天意不容假。茲遊同慕此。有客曰汪夏。北山踏芝塢。靈峯扣蘭若。飄香三百株。柯萼森厓厓。積縞俯泉素。叢丹列巖赭。吾行日為眩。陟亭倦腰髀。寺後有亭曰來鶴。是日未登。還徑趨煙霞。餘春已傾瀉。豈因來遊。人日夕相擗。擗頗聞寺僧言。利不及楸。楸歲歲惟花時。過此憎醜觀。踞廊石為溫。意不樂他捨。何當遣東風。一夜換嬌姸。惟佛高出世。如土遜在野。此花將毋同。

忍使媚觴畢。重尋期隔年。書此告遊者。

詞

喜遷鶯(和韻寄仁先)

沈曾植

年朝歲暮。向湖濱消領雁啼柔。榜分軸編詩。倚聲寫夢。占得忘機逸旅。一晌椒芬。凝酒偏是蠟花。窺戶重檢點。舊春衫。一點心香來否。何處月地。縞衣女寒禁白曉。冰輪午照影。波清圍爐夜。永幾度移宮。換羽零落。潛夫舊事都付補題。新句仗邀勒。帝臺春回向歌邊。金縷。

蝶戀花(讀研齋詞)

同前

拆破貧兒衣。上縷夢裏分明醒。是曹騰語門外天涯。千里路到來。算作家鄉住。嚼碎雲根玄妙句。空也。空也。空也。知飢處誰見法身和露柱。無星秤上分釐覷。